

## السفارة في "السفارة" والسفيرة كلش ماخذة راحتها

لا يابة لا..

لا عيني لا..

لا يا بعد روجي لا..

وهما تين الساع نحجي ونكتب ونعلق ونجرجر بالسوالف بين العكود..

زين يابة والعينتين من الدعش بالليل للديعة الصبح يكوود بالشغل..

والبلبل وسوگ الغزل والخاتون والجري والتمن الأحمر..

وما راح يكون عدنا خط أحمر ونوجة للضوة و نعلگها للشمعة وخل تعلق!

شو السفيرة "المسعدة" هواي ماخذة راحتها!

تلتقي بالوادم من الجير للصغير..

وتصرح وتدعو وتوجه وتشارك وعبالك العراق اقل من ولاية أمريكية!

شهو هاي السفيرة؟

معفية من "الغمرك" والضريبة والعتب..

وتطب محد يحس بيها وتطلع محد يحس بيها والجماعة مرتاحين للشغلة!

گلنة شغلة "بلاء سخارت" أُم المثلية خفت، طلعت علينة السفيرة أُم المساواة الجنسية بمكانها!

يعني نطلع من حفرة ندخل بنگرة؟

لو شنو؟

واكو فد سالفة شوية غمة..

طولوا بالكم علينة يا جماعة "الكواليس" والخنة بالحجي والفره منا ومنا وبالجامعات!

عود ليش العراق من قال وبلا تتحكم بيه النسوان؟

وقبل لا تتمرجل علي الشوارب أريد اذكر "الوطنجية" بالمسعدة "بيل" ودورها بتشكيل الحكومة العراقية الأولى عام (١٩٢١) وشلون رجل الدين -ولا يروح بالكم بعيد- عبد الرحمن النقيب دائماً يگلها: نسألکم

الدعاء!

وهم بعد طولوا بالكم علي شوية..

مثل ما مطولين بالكم على السفيرة المسعدة..

ومو بس "بيل" الخاتون حكمت هذا البلد .. لا عيني، وغلته للبلبل المسعدة بلاء سخارت أُم المثليين  
وحقوق المثليين هواي هم حكمت البلد، لو أنا غلطان؟

هم چانت تحكم مثل ما "بيل" الخاتون تحكم وهم نسألها الدعاء..

والي شايف غير هذا أنا بالخدمة وداعتها للسفيرة "الشجرة" الخاتون الجديدة..

طبعاً الحجي روما نسي..

والجو روما نسي..

والجو بديع..

والدنيا ربيع..

وقفلوا كل المواضيع..

يعني شلون؟

يعني "الخصرة أم الليف وأم الكذا" موجودة وخاف اكو منا منا نجقة للبلبل..

والجقة شبر..

تعرفون شنو الجقة شبر؟

لاعبين دعا بل قبل؟

لا هواي يعجيني وتشوفة تگول جلب -حشاکم- وعاض ليفة .